

Dr. Emir O. Filipović
Univerzitet u Sarajevu
emirofilipovic@gmail.com

STRUČNO MIŠLJENJE O RUKOPISU


Yasin Istanbuli, *Diplomatija i diplomatska praksa u ranom islamskom periodu*

Rukopis djela *Diplomatija i diplomatska praksa u ranom islamskom periodu* autora Yasina Istanbulija, historičara i diplomate s višegodišnjim iskustvom, predstavlja prijevod engleskog izdanja njegove knjige *Diplomacy and Diplomatic Practice in the Early Islamic Era* koju je 2001. godine objavila ugledna nakladnička kuća Oxford University Press. Tekst rukopisa s engleskog na bosanski jezik preveo je Kemal Obad.

Knjiga je podijeljena u više dijelova, s precizno definiranim poglavljima, pri čemu se u prvom dijelu tematizira historijski kontekst razvoja diplomatije u najranijem islamskom periodu. Naredni segmenti posvećeni su konkretnoj analizi određenih pitanja islamske diplomatske prakse izloženih hronološkim slijedom, od uspostave islamske države do emevijskog i abasidskog halifata, odnosno od 7. do 9. stoljeća. Posljednji, peti dio knjige obrađuje karakteristike islamske diplomatije i definira ključne pojmove teme.

Rukopis je nevelikog obima, snabdjeven nužnim znanstvenim aparatom, napomenama izloženim na kraju svakog poglavlja, bibliografijom, dodacima u vidu rodoslovnih stabala te imenskim i pojmovnim registrom. Prijevod je urađen korektno što značajno olakšava čitanje knjige i praćenje materije koja je u njoj izložena.

Vodeći računa o svemu navedenom, kao i o tome da bi knjiga ove vrste i o ovoj tematici predstavljala važnu dopunu trenutno postojećoj ponudi na bosanskohercegovačkom tržištu, preporučujem objavljivanje i štampanje djela *Diplomatija i diplomatska praksa u ranom islamskom periodu* u okviru izdavačke produkcije Balkanskog centra za analizu i studije



Dr. Emir O. Filipović